

附
稿

附稿

醫芳錄目次

勅命一道

誥命一道

諭祭文一道

陪祭文三道

箭付

小像

像贊

墓誌銘

墓表

神道碑

傳

行狀

行述

崇祀申文

輓詩

祭文

附疏稿

翰林院修撰楊守勤

勅命一道

奉

天承運

皇帝勅曰朕臨軒策士掄其異等者寘之禁林
將資以朝夕論思潤色鴻業斯儒者之極
選不易稱也爾翰林院修撰楊守勤德性
溫冲才華炳蔚首魁制對俾直史垣而能
銳志真修潛心大業謹恪罔愆乎素履瞻

詳可勒于青編望實允孚嚮用伊始茲以
覃恩授爾階儒林郎錫之勅命夫士養不
厚無以重國學問欲其邃以弘器識欲其
淵以靜志行欲其端以醇無櫻世故無變
初心乃稱厚養異日能爲國重者也古之
不愧科名者率繇斯道爾其懋哉

萬曆三十四年二月十五日

右春坊右諭德兼翰林院侍講楊守勤

誥命一道

奉

天承運

皇帝制曰夫西清侍從東禁趨陪至華秩也而
以一官兼領之非得端方該洽者能勝厥
任乎邇者承華啟幄講席載陳朕復慎選
而俾專諭導休有勞勩宜俾寵嘉爾右春
坊右諭德兼翰林院侍講楊守勤德業淵

源器資弘亮蜚英浙籍名在魁三拔秀禮
闈榜連第一明廷臚唱望允孚于科名禁
苑校讐博更兼乎才識進講緝碧題之學
掄才號玉筍之班奏記典謨並參鴻筆絲
綸潤色茂著芳猷可謂經幄之賢公輔之
器矣茲以歲闋授爾階奉直大夫錫之誥
命前代儒學之臣不過陳書錄箴考質疑
論義而已我朝不但紀載以信萬世啟沃而
畀一人猶欲深陶厚蓄以需它日柄用爾
哉

萬曆四十年五月十日

諭旨

制

誥

萬曆四十七年九月十九日

之

寶

原任右春坊右庶子兼翰林院侍讀加贈
詹事府少詹事楊守勤

誥命一道

奉

天承運

皇帝制曰國家首重詞臣尤隆講幄故有甲第
獨高于當代勤勞懋著于
先朝者屬予訪落之初敦彼酬庸之典宜加寵
錫以示優崇爾原任右春坊右庶子兼翰

林院侍讀楊守勤行脩孝友才貫天人巍
擢春官首掄上第抽毫鰲禁單詞雅擅三
長視草鸞坡九制立裁五色游登儲案兩
握文衡既空北野之羣復拔南宮之儁參
聯鶴駕三年羽翼勞深光輔龍樓一日開
陳道備樸忠自許宏亮蒙褒樹凝丞師保
之謨負舟楫鹽梅之望何意分桐之役冒
暑間關俄驚易簣之聞鞠躬盡瘁未言
皇考重軫師臣用未竟乎厥施恩特追夫前勩

茲用贈爾爲詹事府少詹事錫之誥命於
戲志非溫飽生平不愧科名學有緝熙永
世丕光眷命榮需一惠寵賁千秋睠乃明
靈歆茲茂渥

夫... 二十... 日

...

制

誥

天啓二年三月十二日

之

寶

諭祭文一道

維

天啓二年三月二十五日

皇帝遣浙江等處承宣布政使司分守寧紹台
道右叅政康新民

諭祭原任右春坊右庶子兼翰林院侍讀加
贈詹事府少詹事楊守勤曰維爾才識淵
渥丰儀峻拔自任天下之重人推吾道之
尊光予制科誇兩元之僅見問爾家學溯

一德之相承編摩首擅乎木天羅網遞開
于棘院遂以詞望晉陟
師臣當中外之危疑殫謨謀而啓沃功高講
席筆代天言懋播絲綸旋調台鼎乃間關
于使命遽隕落夫文昌徒留勸學之箴不
問傳家之產訃聞

兩廟痛及冲人特俞胤子之陳情用需愍恩以
崇報錫之俎豆賁乃犧尊靈爽如存欽承
有赫

陪祭文三道

維

天啓三年歲次癸亥二月辛酉朔越十九日
巳卯浙江等處承宣布政使司分守寧紹
台道按察司按察使兼右叅議侍生康新
民謹以牲醴之儀致祭于

皇明奉議大夫右春坊右庶子兼翰林院侍讀
加贈詹事府少詹事琨翁楊老先生大人
之靈曰海嶽鍾英鉅公挺生淵源家學挾

名方錄
陸祭文
奧研精發爲文章先輩是程兩元高第五
雲瑞呈紅蘭挾藻三長具并

皇宮輔導一德相成代煥

絲綸燦燦日星載秉薪楨濟濟國楨

帝眷孔篤

簡命重膺分桐晉卽冒暑兼行致身盡瘁星

殞櫬驚

先朝痛悼

新主哀矜世臣垂烈胤子陳情恩隆

五位

寵荷三旌

龍章錫奠榮貴九京民夙瞻山斗緬懷典型

忝守東浙

王命欽承肅恭代獻鄭重匪輕敬潔蘋藻用表

微誠尚饗

寧波府知府洪胤衡同知俞孔震通判陳

于廷推官汪秉忠謹以牲醴之奠致祭曰

秀奔東海瑞結勾川篤生名世品格無前

夫資特拔家學蚤傳性稟孝友理析精玄
筆端元氣若嶽若淵籠罩萬古鞭笞八埏
首標兩榜科名赫焉鰲禁抽毫藜閣吐煙
入侍

東朝開陳講筵勞深啟沃宏亮褒宣衡文得
士豪傑翩翩

代言橐筆

絲綸煥然功高輔導任重帷旃豎三不朽應
五百年調鼎望屬分桐命專問關馳驟竟

爾不延軫念師臣忠貞克全曾是舊德
新朝不憐

寵命三錫光賁九泉刳牲灑酒

恩榮已偏衡等夙仰斗極願爲執鞭幸守茲
土圖事大賢

文昌殞地

王命來天欽承將事敢不肅虔春明日麗

盛典已竣用申鄙臆式陳豆邊尚饗

慈谿縣知縣通家晚生李逢申致祭日國

重師臣邑崇名頌天不愆遺朝野心惻心
惻正殷重荷賙恩榮施存歿烈炳乾坤緬
追靈爽列星耀芒無窮忠孝有用文章聯
元及第科名不愧視草玉堂煌煌詞制

帝念

青宮命司講幄啟沃開陳日禪

聖學畿輔南宮兩膺文柄崇雅黜浮得人爲盛

鸞坡橐筆璀璨

絲綸剪桐載命鄭重展親

王事靡盬寒暑跋涉瘁報國身虛調鼎業勞著
先朝眷篤

新主令子陳情恩垂異數

龍章赫赫犧尊鏘鏘

天命下臨肅肅孔將申向在長安丰範獲瞻綰
綬來慈值公錦旋欣圖聆誨忽爾乘箕門
庭閭寂無限淒其宅無樓臺重公清白家
有子姓幸公承籍助勦未殫

綸綍方來山川輝映雲霞色開躬際

盛典敢辭匍匐用表私虔載斟醴醑尚

饗

禮部劄付

禮部爲行移勘合事今填以字四千捌佰

柒拾貳號勘合劄付浙江寧波府比號施

行須至劄付者

一件爲講讀勞臣加

恩有例兼陳身殞王事仰懇

特賜優恤以溥

皇仁以光泉壤事精膳清吏司案呈准祠祭清

吏司付奉本部連送該本部題本司案呈

留芳錄 卷之二
各部
本部送禮科抄出原任右春坊右庶子兼翰林院侍讀已故楊守勤男生員楊一琛奏乞伊父

卹典緣由奉

聖旨該部知道欽此欽遵抄出到部送司案呈到部爲照本官器局商周彝鼎才華左馬文章臚唱應卿雲博雅頻綜墳典講筵依帝日撰述堪代絲綸矢精白之小心先期齋宿據弼諧之實念因事納忠棘院掄材不媿

狄門桃李黃扉待

命還期傳鼎鹽梅冒暑載途旋因膏肓之疾勞身盡瘁宜蒙帷蓋之恩相應與祭一壇恭候

命下臣部遵奉施行等因奉

聖旨准與祭一壇欽此欽遵仰付該司類行浙江布政司轉屬支給官錢買辦祭品等項就

遣本布政司官致祭仍將用過官錢開報本

部并戶部知數等因到司案呈到部照會
浙江布政司照依勘合內事理一體遵奉

施行

計開

祭品

猪一口 羊一羴 饅頭伍分 粉湯伍

分 菓子五色 每色伍觔 按酒五盤 鳳

鷄一隻 燂骨一塊 燂魚一尾 酥餅

酥餛各四箇 魚湯一分 鷄湯一分

降真香一炷 燭一對 重一觔 焚祝帑一

百張 酒二甌

右劄付浙江布政司准此

天啟二年十一月二十一日對同都吏趙天寵

講讀勞臣加

恩有例等事

皇清

乾隆

天監二年十一月二十一日

御製

百

劉真香

封

獻

禮

冊

焚

小像



留芳錄

象

皇明奉議大夫右春坊右庶子兼翰林院侍讀
贈詹事府少詹事琨阜楊公墓誌銘
當

神皇帝在御浹三紀慈谿楊克之以浙省第三
人兩魁天下入翰林時朝謁既稀復鮮職營
其貞心偉畧雅意開濟天下不咄咄習聲律
兼以該通淹博會兩先生課經濟不專督聲
律於是冠帶書生相應以義理之文下館多
暇稍得聯車騎恣攬結酒後或掀髯長歌若

出金石予未嘗不擊節壯之廿年來南北東西生歿契濶克之以萬曆庚申歿於在使越明年次君一琛攜劉罔卿所爲公狀來乞石言予方有倉襄之後不得執筆又五年旣告乃得含涕爲詞按狀公楊姓諱守勤字克之別號琨阜系出漢太尉震歷隋唐代有聞人有開國男諱廣始遷浙之睦州廣子巖仕吳越左相國巖子實徙於慈谿傳宋寶曆間有大儒適仁宗嘗表其間曰大隱先生入明石

田公祿贈封部郎以學行聞生二子長子器魁成化丁未榜歷河南左方伯有大節次子用例授醫學訓科是爲公曾大父子二長孫仲嘉靖壬午領鄉薦宰儀真以循稱配葛氏生見洲公世思是爲公父補郡庠增廣生操大隱風儀而冥心合道有慈湖遺抄四書訓錄等書行於世萬曆丙午封如子官巳未再贈如子官配秦中丞嶼湖公孫女封安人再贈宜人志操與封公合長子二岑諱守書博

學篤行以郡庠生授太常寺典簿次卽公舉
公時封公感異夢生而標邁異常兒解讀日
數千言終身不忘爲制菽務察先程暇則攻
二王帖補邑弟子員輒冠儕伍旋餼於庠丁
酉以詩魁浙第三人甲辰上春官累得奇兆
放榜果冠多士比對

軒問賜第一甲第一名及第拜翰林院脩撰迎
太翁於邸與諸名公大覲慈湖文成之緒無
何太翁還公亦以奉冊將母歸會

覃恩兩尊人並拜封典乃及濟而見洲公以計
聞公大慟幾不能生歸而治喪如禮服闋
太宜人屆八喪不忍離膝下遂陳情終養越
二載太宜人隨謝世公哀慟如喪太翁時甲
寅服闋補原職乙卯陞左春坊左中允兼翰
林院編脩直

起居注編纂章奏副典順天鄉試尋轉右春坊
右諭德兼翰林院侍講克

東宮講讀官管理誥敕己未分較南宮得士二

十人以報滿晉階錫類有長子一琦之訃閱
三月以冊封晉藩行途次風雨旣不暇休息
比入藩倍益謹凜病頗劇事竣便道歸里旋
陞右春坊右庶子兼翰林院侍讀時侵尋病
中會當繳

節旣就道次吳門病轉劇始授

節仲子一琛具奏繳歸八日而卒

光宗嗣位詔錄講讀諸臣公四年侍從勞宜優

叙

今上遵

先皇帝遺命贈公詹事府少詹事廕一子入監
讀書與祭一壇其墓典復得

肯着照日講官例覆公歿之明年從輿論祀郡
邑鄉賢祠公神采駿發學識淵邃諸生時嘗
擁臯比受徒匡解邊便絕不作腐儒語間以
陪危輒若或可護當傳經括蒼能驅衆所駭
恠不見時雅以材局重公公益以材局自雄
負當一再上公車私念爾尊人老矣擬再北

爲捧檄計快快久之比入圍又輒雄負以大
白自予仰天長呼意不可一世遂爾魁天下
登第後海內交誦星鳳而公殊恂恂若素卽
恍慨磊砢間出襟項而卒飲人以和與之語
世道安危倚伏之界徃復旦宵塵髦幾脫其
意所不可終不隨人唯諾時公旣大覽見洲
公之學以仰接大隱每言此中周流六虛何
得塊然成我至含毫舒紙饒以意隨遂能囊
括天下所共挹雅不欲借峻嶒爲氣骨兩典
試極意黜浮薄其南宮二十士盡稱名流予
鄉得雋亦斌斌質有其文當草制文直事核
典重有格至秘館兩試動以天下大計爲籌
凡所擬構如秦越人方術不獨隨聲爲患苦
時海內日夜望

主上封山罷推予環解網公每懷其意會當以
畏天勤民作頌公立爲四解以寓規大爲館
先生稱賞其於禮樂名法兵馬金穀一一究
詰委源時借古名臣以見志自矢守所見不

強所不及唯是持之大力濟以忠貞輒以漢武鄉侯爲法謂大臣身入利鈍而超其外惟有超利鈍心乃能開誠心布公道又嘗曰致身易應機難大臣兀立風波轉移咄嗟卽明蹈天下所不避而默燮氣運所難維斯其意念深矣嘗從旁閱京營嘆

文皇帝武備漸弛遇當議安邊禦虜遂條四議謂國家有全盛之時無全盛之勢無積弱之形有積弱之寔未嘗不廢箸爲嘆至曰職觴

俱猜權分肘掣方且存形迹避恩怨之不浸若預悉異時邊備以發抒千古英雄寃結之氣公旣昌明舊學不標名目且坦夷真率最惡纖趨謂若曹薄樹之標厚收其譽以陰濟其私雅中一時豪舉高博名實者卽若曹側目有言不顧當在講筵反覆開陳

光皇帝亟稱聲音宏亮深屬意焉方館試儲學公獨得立言大義後

備講以暑月暫輟輒持館議倍爲懇切奏之嘗

閣試或可不數數荷橐入公曰奈何不以此日從諸兄弟遊凡同籍慶弔若歿者父兄子弟醞給單給力能聯屬同籍卽同籍慮無不兄事之予嘗讀公所手錄方伯詩悉方伯議泰陵大節又從公聞儀真公治行一再拜見洲公於床頭深念楊氏學宗治譜近邈大隱遠接關西公復昌明名理檢束至行當接踵兩艱備嘗荼蓼而復善貧蕭然四壁不以一切于世曰無傷清白吏家風也至其仁心曠度

振急續乏則一動念惟所欲爲卽塵凝硯席不顧念方伯公蔚爲宗哲而後漸凋落也周其乏引其俊又手錄其遺書梓付之過崑山捐貲葺其報祠力請爲補謚從弟守訓無後公請之伯兄以四男一璐奉其祀顧其母若婦嫁其遺女祖母家葛姑家湯各爲撫其遺孤又嘗爲母家贖所鬻宅曰外大父力而構乃弗肯堂乎初聘徐學博女及笄而卒其娶於嚴爲淮安倅蒙齋公孫女公憫蒙齋後凋

瘁而肉骨之其于徐公執子壻禮終身不衰
有弁感公而以女進公爲擇士人嫁之廩然
關西暮夜也過廣靈有士乞貸而篋不中期
以旋日洎旋當遊五臺而仍過廣靈如其約
其敦故舊好施予不侵然諾類如此狀稱公
天植孝友而沉敏綿密當窘每以詩酒自適
後晉宮坊念祿養弗逮兩尊人諱期感泣竟
日不齒見迎伯兄於邸驩然聚首若鬢亂時
密爲輸緡題授前職與人交驟見嚴少選顧

坦俞欸欸也通籍十餘年僅守先人敝廬數
椽瘠田半頃而不廢賙助其襟度汪汪莫測
涯浹後先立朝絕無崖異里居有酒狂庭辱
之卽納履去及醒而望門謝不較諸子翩翩
有文次君瑰岸似公力爲請

恩蔭其兄子人多稱之公當再旋謂諸子曰昔
之歸也子不見父今之歸也父不見子泣然
泣下時方擬公大用而遽發疾卒共惜之嗟
乎視大用不副爲世所惜者猶如哉公生於

嘉靖戊午年十二月七日酉時卒于萬曆庚申年四月十四日未時得年六十有三配嚴氏累封宜人生五子長一琦邑庠生娶左春坊左庶子源明馮公女繼娶都察院副都御史姚江蒙泉孫公孫女次一琛邑增廣生聘衛參軍新安文麓劉君女娶順天鄉進士毘陵崑崙巢君女次一瑜太學生娶刑部江西清吏司主事漢醇馮君女次一璐娶刑部貴州清吏司郎中鎮亭趙君女繼守訓次一琪

娶南京太僕寺正卿行素劉公女女三長適巡撫延綏都察院右僉都御史曙海張公男能恭邑廩生次適廣西上石西州守邵越袁君男弘諫郡庠生次適工部虞衡清吏司員外郎山陰樵峰朱君男曾旦太學生孫男五德隆恩生一琦出娶湖廣通城縣令鵬海沈君孫女德隅一琛出聘揚州府司理鴻桂胡君女德陞德陸德隨俱一瑜出未聘女孫三爲一琦出者二一字太僕寺少卿松槃姜公

孫晉璋一字工部屯田清吏司員外郎石樓
錢君孫玄英爲一瑜出者一字江西九江府
同知崑星王君孫賓汝一琛率諸子若孫以
天啓癸亥十月四日寅時葬公於慶遠山之
陽予廼爲之銘

銘曰關西蜚聲慈湖挾秘何謂無知曾不起
意天運明昌紫衣人至合而爲公以純以粹
負史三長材予十倍撫劔掀髯提觚奮臂鼓
吹兩京不可一世乃握驛衛乃掌

帝制乃登講旃乃沃

帝馭旣演絲綸旣清骯黷衰則聲音益則神知
堯舜方興臯夔未旣丹帳不覆紫雲墮地鳴
呼黃鐘大鏞蒼璧小璣希世維珍差數則異
公用不極公材不易譬則文蟬生歿文字譬
則文鷲頓關興替公所抒發旣饒數輩公所
蘊結百未一試何以紹明科名不媿片石有
言爰及苗裔

賜進士及第特進光祿大夫左柱國少師兼太

子太師吏部尚書中樞殿大學士兼支尚書

俸知

起居

制誥

經筵

日講總裁

玉牒

實錄再佐

宮端兩兼樞政奉

命督師

予告年弟高陽孫承宗頓首拜撰



官詹楊夫子傳

太史公楊師以

神皇帝康申歲卒于使其門人劉榮嗣爲位卒
哭闋七年始克讀其遺文僭序之則又奉其
仲子世兄嗣旨曰師生之義雖一體無差殊
哉然知容有深不深則言亦有肖不肖子侍
先子最久知先子當獨深不可無一言以詔
來者乃據及門所聞見爲官詹楊公傳公諱
守勤字克之學者尊爲琨阜先生公父見洲

公風儀峻整冥心合道著有慈湖遺書抄四書訓錄先正格言印心錄等書行于世子二長二岑公博學篤行稱難兄次郎公封公屢感異夢而生公標邁異常兒解讀日數千言終身不怠爲制莠務軌先民繩墨旁攻二王帖補邑弟子員輒冠儕伍食廩丁酉以詩魁泐榜第三人甲辰上春官比

廷對皆第一逮臚唱鬚眉軒軒步武中度廷中俱爲色動拜翰林院修撰隨迎太翁於邸與諸名喆覽慈湖文成之學無何太翁還公亦以奉冊將毋歸會

覃恩推封所自未及濟而聞封公訃公哀毀骨立幾不能生服闋念太宜人屆八袞不忍離遂陳情終養越二載太宜人復謝世哀毀成禮如喪太翁時甲寅服闋補原職乙卯陞官允副典順天鄉試尋轉官諭充

東宮講讀官管理

晉書卷之八十一 傳
階
誥勅已未分較南宮得士二十人時以報滿晉

錫類閱三月奉

命册封晉藩櫛雨沐風不敢遑暇會長子一琦
先是復以訃聞形神交瘁遂遭疾事竣便道
歸里旋陟右宮庶時侵尋病中會當繳

節既就道次吳門病轉劇乃授

節仲子一琛具奏繳歸八日而卒

光皇帝嗣服

詔錄講讀諸臣公以四年侍從宜優叙

今上遵遺命贈公少詹事蔭一子入監讀書與

祭一壇仍照日講例擬

特旨賜塋蓋異數也公歿之明年從輿論祀郡
邑鄉賢祠公神采駿發丰儀端重望之巖巖
若泰山做秀才時便以天下爲已任讀書源

本六經允諧

本朝故典其于禮學名法兵馬錢穀一一究悉
原委諸

官府太計胸中具有成畫嘗自矢守所見不強
所不及惟是持之大力濟以忠貞則漢武鄉
侯所取法云謂大臣身入利鈍而超其外然
不有超利鈍心必不能開誠心又曰致身易
應機難大臣屹立風波轉移咄嗟卽明蹈天
下所不趨而嘿攝氣運所難維斯其意念深
矣時海內日望

神皇帝封山罷權予環解網公每懷諷意會當
以畏天勤民頌乃立作四解以寓箴規嘗從
旁閱京營嘆武備日弛偶當議安邊禦虜遂
條四事獻謂我

國家有全盛之時無全盛之勢無積弱之形有
積弱之實至曰職觜俱猜權分肘掣方且存
形迹避恩怨之不暇若預悉異時邊事以發
千古英雄死結之氣者其在講筵私念
先皇帝春秋漸壯

神皇帝靜攝日久當有感動以成後此善述之
孝先一日齋居定氣如對神明比進講則儀

觀閑雅詞吐鏗鏘

先皇帝每爲動容亟稱之方館試儲學公獨得

立言大義後

儲講以暑月暫輟公輒持前議倍剴切奏請之
兩典試極意黜浮一時稱知人能得士當外
制文直事核典重有體如綸如綍之義獨有
存者則宗韓禰歐固先生所得力也與人交
卽磊砢倔彊不可一世無不驟見嚴者而卒
坦俞款款煦如也與之語世道安危倚伏之

界徃復旦宵塵尾幾脫其肫臆所不可終不
爲他人代所不治曰予會有言時而顧特惡
纖趨坦夷直遂不屑工俯仰態謂若曹薄樹
之標厚收其譽以陰濟其私雅中一時矯豪
高博名實者卽若曹側目有言不爲意天性
孝友居平色養志養無間言迨祿入漸豐猶
以兩尊人弗克逮每歲時伏臘感泣終日不
見齒迎伯兄於邸驩然聚首若髻齟然至密
爲輸緡題授太常簿伯氏不知也通籍十餘

載僅守先人敝廬兼接踵兩喪備嘗荼蓼而不以一切干世曰無傷清白吏家風乃其體
譽風緒振急續乏則一動念惟所欲爲卽凝
塵硯席不之顧念先方伯蔚爲宗哲後漸彫
落也引其後父手錄其遺書梓付之過崑山
葺其報祠力請爲補謚從弟守訓無後請之
伯兄以其四子一璐奉蒸嘗顧其母若婦嫁
其女祖母家葛姑家湯各爲拊若遺孤又爲
毋家贖所鬻宅曰外大父力而構乃弗肯堂

乎初聘徐學博女乃笄而卒其娶于嚴爲難
安倅蒙齋公女孫公旣憫嚴緒凋瘵起骨而
加肉之而于徐公亦終身執子婿禮不少替
有弁感公恩以女進公爲擇士嫁之凜然四
知三不惑也過廣陵有士稱貸而檢篋不及
額期以還時洎旋當遊五臺乃特之廣陵爲
予所貸其敦故舊好施予不侵然諾類如此
而復汪汪千頃莫測涖涯先後立
朝垂二十年無少崖異齟齬之隙里居有酒狂

庭辱之卽納履去及醒造門謝不爲較諸子
翩翩有文次君瑰岸似公力爲請

恩蔭於其兄之子復拊視不啻已子鄉黨多稱
之卽向予覓序傳者蓋公得天旣超父子兄
弟間自相師友又淵且厚故其見之作用通
身是理學性命每言此中周流六虛何得塊
然成我至含毫舒紙饒以意隨遂能囊括天
下所共挹雅不欲峻嶒爲氣骨而真正峻嶒
無上之概固自在也大學士孫公之誌有曰

予嘗讀公所手錄方伯詩悉方伯議

秦陵大節又從公聞儀真公治行一再拜見洲
公於床頭念楊氏學宗治譜近遡大隱遠接
關西公復昌明名理檢束至行字字實錄非
夸語也他若傳經括蒼能驅衆所震駭白晝
見形之魍魎甲辰偕計已屢值數竒乃益負
抱竒毫逞予雄狂飲嘯躍今傳世諸名作竟
從醜滑中信手拈來不假攻苦比其卒也日
方亭午肅衣冠揖客相對手譚徐復歛子奩

中條然而逝此自是諸真列僊化身遊戲生
則乘風際雲文明天下死則騎箕御尾還返
帝廷理有固然不足爲怪且非先生大節所
係不具錄劉榮嗣曰

國朝用經術試吏事自中外大僚及一命之士
咸得直抒其志自表見而獨館閣諸公斤斤
若處女子守佩衿不敢輕一言苟一動日以
養公輔之器也迨其身爲公輔而巽慳庸熟
不伴食則模稜矣夫托孤寄命有死無二之

公孤臣而徒是剗除英氣囁嚅效鬼女子態
乃勝任哉予師天挺浩然稜稜矯矯不有意
以大魁詞林自貴重不有意以大魁詞林自
屈折坦衷直道肖心以行于時中外臣工水
火冰炭之形漸已著見而師獨介然中立不
少倚傍人亦翕然信之無敢以橫語相波及
者何則其忠信誠實心誠有以信于天下也
若是則先生而在琅琅公輔之業其可量哉
然是亦足以知先生也已

賜進士出身大中大夫山東布政使司右叅政

兼按察司僉事奉

勅分巡交西整飭曹濮等處兵備督理屯田馬

政河道水利前吏部文選稽勲司郎中曲周

門人劉榮嗣頓首百拜撰



皇明奉議大夫右春坊右庶子兼翰林院侍讀

加贈詹事府少詹事琨阜楊公行狀

賜進士第通議大夫南京太僕寺正卿前禮部

儀制清吏司郎中以兩襄

大典遷光祿寺少卿予告奉

詔起補太僕寺少卿尋陞通政使司右通政通

家姻弟劉憲寵頓首拜撰

昔楊封公見洲先生受業先大夫以世講納

予為小友時見宮詹公而因識其為天下士

也宮詹生平精力矯勁爽爽有神已未歸里而色澤頓減然意氣猶不乏歡然道故謂余曰近恃藥餌恣服食以調真元病可望却也第遠行乍歸知友願得一望見而宮詹亦願與知交相慰勞卽樂此亦自疲耳猶肅雍坐隱齋頭忽手提子不下局乃從容對客言吾且逝矣無一語及家事者時豕君先歿而仲君一琛又奉父命赴

闕繳節諸孤未及具述請狀淹而至今壬戌仲

君復入長安跪而泣屬狀於余余誠不文然媿薦艾之交日替延陵之諾不償余復遜不文而沒宮詹非義遂泚筆爲立狀宮詹公楊姓諱守勤字克之別號琨阜系出漢太尉震歷隋唐代有聞人有開國男諱廣始遷浙之睦州廣子巖仕吳越左相國巖子實徙居慈谿傳宋寶曆間有大儒適安貧樂道屢謝弓旌仁宗詔表其閭曰大隱先生其胤嗣至明而大昌遜傳石田公祿贈封部郎以學行聞

生二子長子器魁成化丁未榜令邑者三有
異政入典銓衡歷官河南左方伯蓋柳塘公
也次柳洲公諱子用例授醫學訓科砥節勵
行一稟父兄爲宮詹曾祖子二長小洲公諱
孫仲嘉靖壬子領鄉薦宰儀真以循稱配葛
氏生宮詹父見洲公諱世思補郡庠增廣生
從遊先大夫時卽方矩圓規冥心合道先大
夫嘗許其以名理振世慕楊文元王文成之
學與方伯緯川馮公太僕冲宇顏公邃意闡

翼得其玄解有慈湖遺書抄四書訓錄等書
行於世萬曆丙午封如子官己未再贈如子
官配秦中丞嶼湖公孫女封安人再贈安人
志操與封公合洎家中落而親屬饒安人絕
意伎求泊如也長子二岑公諱守書博學篤
行有父風郡庠生今授太常寺典簿次卽宮
詹公舉公時封公感異夢生而神秀殊常兒
比就外傳日誦數千言寓目終身不忘爲制
舉稅務宗先輩矩矱暇則臨池攻二王帖補

邑弟子員操觚登壇儕伍靡不辟易旋食廩
餼嘗傳經括蒼初就寢時有物現怪公蚤起
救之謂吾在母許呈伎倆也遂畢歲不復現
已復遊雲間病胃甚夢關真君以刀抉胸次
日宿物盡吐遂瘳又嘗墮馬溪間馬躡耳血
流昏而欲絕恍見真君從空降馬卽旁逸得
甦識者謂其再來人故動與神謀若此自是
益自雄負績文益力丙申歸自剡溪見洲公
坐危疾公泣而籲天至以身請尋愈次年以

詩魁浙兩上公車霜蹄屢蹶私念兩尊人老
脫三釜之不逮奈若何輒泫然失涕已復自
信起而命酒捧腹謂轅下終能厄神駿耶甲
辰上春官累得奇兆放榜果冠多士比對
軒問賜第一甲第一名及第拜官翰林院修撰
公親承諸名公衣鉢得所依皈諸凡貶損至
就試館閣必揚扞古今條對靡漏犖然爲時
冠冕見洲公旣雅善名理思廣其傳而未之
遂公爲迎養至都莊乃集海內有道爲發明

留芳錄 卷之四
慈湖文成不起意致良知之學人人爲之心
折見洲公則大快謂生平所學與諸同志發
覆而覩大全未有如今日一暢者觀止已卽
灑然南還無何宮詹公亦以
冊遣得奉母歸會

覃恩兩尊人竝拜封典乃及濟而見洲公以訃
聞矣公大慟幾不能生歸而治喪如禮服闋
念太宐人屈八表不忍離膝下遂陳情終養
越二載太宐人隨謝世公接踵兩艱備嘗荼

蓼而復善貧然猶潔自守不以一切干世蕭
然苦次日無傷清白吏家風也乃其宅心摯
孝仰體尊人未竟之志務力爲卒業從弟守
訓無後請之伯兄以四男一璐奉其祀弟婦
曹氏嫠而卒遺一女爲擇婿而嫁祖母家葛
姑家湯世業伶仃各遺一孤公皆撫之成立
爲婚娶以延其後秦氏中表粥地他姓公慨
然曰外大父力而構不再世而粥不祥爲之
構贖者萬方淮安倅蒙齋嚴公孫女適公爲

留芳錄 行狀 五
配兵燹後嚴祚凋謝公爲肘腋而肉骨之迫
他所賑乏一動念惟爲所欲爲廼值其家釜
中炊米尚需泛舟之役公竝不作皺眉狀殆
非人所及也甲寅服闋補原職乙卯陞左春
坊左中允兼翰林院編修直
起居注編纂章奏是秋副典順天鄉試校士必
繩以先正而浮薄者輒棄去於是得雋之士
斌斌質有其文矣尋轉右春坊右諭德兼翰
林院侍講充

東宮講讀官管理

誥勅撰文公每遇講期必肅衣問夜獻善規敗
以殫弼直間輟講則具疏力請語語切至
制草文直事核褒勉竝至體裁得衷公居宦卽
思兩尊人祿養弗逮值終身之憂每爲飲泣
自幼與二岑公相友愛契濶越歲淡念之遺
書逆之至則大喜寢食必俱心知二岑公睥
睨世榮乃以例密爲輸緡題授太常寺典簿
一日忽晉冠服二岑公卽欲却走無及已其

友于因心里稱兩賢云已未分校南官得士
二十人皆騷壇名宿也先是冢君以病聞憂
念爲勞會訃至哀慘甚自是形神若不復親
者已以報滿晉階錫類閱三月以
冊封晉藩行途遇暴雨雷雹相薄而公以王事
趣程不暇休息比入藩捧

節行禮倍益謹廩病頗劇事竣便道歸里旋接
即報已轉右春坊右庶子兼翰林院侍讀時
侵尋病中而日以繳

節縈念或勸之且稅駕曰宿君言罪也慨然就
道次吳門病轉劇始授

節仲子具奏繳而精已銷亡歸而考終公病肇
於子戚而瘁於王事急公無私臨終不亂蓋
得處所矣第人之云亡喪我典刑傷哉公修
髯采眉望若神人而聲出金石以故日講時
光廟獨賞其宏亮爲改容禮之且廓襟紆度汪
汪莫測其涯涘後先立朝者十年同寅協和
絕無崖異里居時有被酒狂客面辱之卽納

履去侵晨客大悔望門荆請公笑曰此高陽
故事也置勿校性好施予尤急一本昔方伯
公爲時名臣擬謚敏憲卒格于例近議補謚
公因爲力請方伯公嘗令崑山民爲立祠次
而圮公過其邑捐貲以葺又手錄其遺書付
之梓撫其子姓不啻骨肉公初聘徐學博女
及笄而卒公執子婿禮終身不衰有一武弁
受誣公力爲湔雪弁深德之以女進公義弗
御因念故交王郡倅舊擇其季子以楨妻之

使晉過廣靈有貧士貸錢計篋中不稱貸許
以回日相贈使還諸貴交邀遊五臺辭之卒
從故道蓋恐負貧士諾也貧士果候道左遂
贈緡錢而別其嗜義急人陰行善者纍纍此
特撮其概耳卒之數日前邑中實星光燭數
里占者謂不祥應名碩當之果驗

光宗嗣位詔錄講讀諸臣公四年侍從勞空優

叙

今上仰遵

先帝遺命贈公詹事府少詹事廕一子入監讀
書與祭一壇惟是葬典未題仲子復具疏籲
請奉

聖旨着照日講官例覆邀靈補

恩計日可竣公歿之明年督學亨九洪公按部

四明遂採輿論崇祀郡邑賢祠公洵在

朝朝重在鄉鄉重者也先是諸邑紳憐官詹謝
世門可張羅長孫未能勝冠議將序廕仲子
以延衰祚方在唯否而仲子從京邸還出疏

稿相示則已特名屬冢孫此真志士仁人之

用心官詹可謂有子矣公生於嘉靖戊午年

十二月七日酉時卒於萬曆庚申年四月十

四日未時享年六十有三配嚴氏累封宓人

生五子長一琦邑庠生娶左春坊左庶子源

明馮公女繼娶都察院副都御史姚江蒙泉

孫公孫女次一琛邑增廣生聘衛叅軍新安

文麓劉公女娶順天鄉進士毘陵崑崙巢公

女次一瑜邑庠生娶刑部江西清吏司主事

漢醇馮公女次一璐聘刑部貴州清吏司郎
 中鎮亭趙公女出繼守訓次一珙聘劉氏即
 不佞寵第三女也女三長適陝西按察使司
 按察使曙海張公子能恭邑廩生次適廣西
 上石西州守邵越袁公子弘諫郡庠生次適
 工部虞衡清吏司員外郎山陰焦峯朱公子
 魯旦邑庠生孫男三德隆恩生係一琦出聘
 湖廣通城縣令鵬海沈公孫女德隅係一琛
 出聘揚州府司李鴻柱胡公女德一瑜出

未聘女孫三為一琦出者二一字太僕寺少
 卿松槃姜公孫晉璋一字工部屯田清吏司
 員外郎石樓錢公孫玄英為一瑜出者一字
 江西九江府同知崑星王公孫
 詹壯志未展於樞要完節不愧於科名天假
 以年商文教王文恪之業何多讓焉溘焉朝
 露可痛也余為狀故不文而行實核敬俟
 名公惠如椽防銘不朽九原其有賁焉

公感世難由終不泯其有實評

囊有餘亦余為難於不文而亦實終始於

以平為公之公之業何多矣蓋評

感世難由終不泯其有實評

囊有餘亦余為難於不文而亦實終始於

以平為公之公之業何多矣蓋評

感世難由終不泯其有實評

囊有餘亦余為難於不文而亦實終始於

皇明奉議大夫右春坊右庶子兼翰林院侍讀

先考琨阜府君行述

年姻弟表仲錫填諱

不孝男一琛泣血述

一瑜泣血書

嗚呼不孝琛通天之罪尚足誅哉不孝琛同

弟不孝瑜自三月十二日侍先君復詒諷

命至其門先君中途疾篤強以效率故賦

龍節授不孝琛伏冀其限無短登遐即平

闕代繳不孝琛趨裝拜別灑淚登程嗚呼誰謂
此卽永訣時耶不孝琛跋涉竣事刻期歸報
而五月六日訃音至矣匍匐奔還撫棺痛絕
奈以先君身後事一切未了且以老慈在堂
不敢殉先君于地下長慟之餘具悉先君疾
革際尤幸不孝瑜在側上奉伯父老慈命下
率諸弟諸婦諸孫輩環寢而哭而含殮而成
服也獨不孝琛身稽萬里外於人子自致之
禮百未一盡嗚呼不孝琛通天之罪尚足誅

哉痛伏苦塊五內如焚第恐大事未襄懿美
或逸於是以前七月二十八日權厝先君于北
湖之濱行將以一片石惠徼

鉅公名筆敢不先次生平以當採擇謹忍痛披
淚述其厓畧云楊氏系出華陰自漢太尉諱
震傳至隋驃騎將軍諱恂三傳至唐武衛將
軍封上蔡縣開國男贈工部尚書諱廣者始
遷浙之睦州長子諱巖仕吳越左相國生子
諱實乃遷慈谿遞傳及宋則有諱適者巖居

樂道屢辭仁宗徵召詔旌其里號爲大隱先生入

國朝族屬繁衍世有潛德至贈驗封大夫石田公諱祿績學累善益紹前休生二子長柳塘公諱子器以成化丁未會魁三仕巖邑有異政召入吏部歷官河南左方伯次柳洲公諱子用孝友因心長厚特著例授醫學訓科是爲琛高祖柳洲公亦生二子長小洲公諱孫仲嘉靖壬午舉于鄉仕儀真令循良之誦嘖嘖

嘖大江以北是爲琛曾祖魯祖母葛孺人生一子卽琛先大父見洲公諱世思郡增生篤行閭修闡翼聖真嘗與方伯緯川馮公太僕冲宇顏公迭主慈湖之會學者咸師事之著有慈湖遺書抄四書訓錄等書行于世萬曆丙午封儒林郎翰林院修撰己未加贈奉直大夫右春坊右諭德蓋代膺簪組而世德家學亦奕葉于茲故方伯公儀真公暨先大父竝得俎豆黌宮其發祥遠矣先大母爲中丞

嶼湖秦公孫女孝敬儉約世稱耦德初封安人加贈宐人生二子長爲伯父二岑公諱守書郡庠生今授太常寺典簿次卽先君諱守勤字克之別號與完改號琨阜先大父將舉先君夢一紫衣人至翌日而先君生時曾大父猶在堂見先君體貌岐嶷神采峻發卽謂先大父曰此兒雙眉五綵異日必亢吾宗迨就外傳日誦數千百言試之對偶動輒驚人嘗讀蘇文至管仲論曰此不足以盡管仲也

另以王霸立意捉筆成篇見者無不竒絕垂髫業制舉稅必取先輩程墨力爲摹擬嘗曰作文不稟正宗雖倖博一第謂之詭遇吾惟以堂堂正正驅駕詞壇遲速不足較耳帖括之暇喜攻風雅併喜臨二王墨蹟歲戊寅督學壽齋喬公拔入邑庠雋聲大起試輒高等已丑晴原李公按寧首加賞異食餼于庠奈以困頓場屋從事硯田絳帳所開每多竒兆先遊括蒼有黃冠過其齋謂里人曰吾遙見

紫雲騰擁此室應有文星在乎遊雲間偶患
胃疾疼不可忍夢關真君以刀抉其胸次日
悉吐胸中宿物病遂瘳嘗於溪邊墜馬馬躡
耳根血流幾絕恍見真君從空而下馬忽旁
逸又若有黃帳覆其上用是以甦或獨步晚
歸每見左右有擁儀蓋而呵護之者兼以奇
夢纍纍自信彌堅撫劔掀髯不可一世亡何
而歲在丙申先大父以胃疾將革先君歸自
剡溪焚香籲天先大父卽晚夢一巨儒與講

大學止至善之義中夜夢醒病已霍然先君
一念尊人竝老一念文戰累挫努力精進丁
酉遂以毛詩中浙榜第三本房義齋劉公力
皇薦先君解首不能得恍惚間獲一異夢已知
後日科名不讓商文毅公獨讓鄉榜兩名矣
戊戌辛丑兩上春官不第癸卯從水次入長
安舟中捩管鬚髮爲枯抵京集同志挑燈搆
義出呈諸名公無不擊節甲辰將入棘闈忽
憶方伯公以來箕裘凌替重憶兩尊人臨行

密囑之言恐此戰再北不能不借寒氊爲捧
檄計悒悒怏怏痛取大白澆之柔情頓化壯
志倍堅仰天長吁有連掇大物惟我爲之之
語放榜果中第一隨對

大廷原擬第二名進呈

皇上親閱拔賜第一甲第一名及第四月拜官
翰林院脩撰時大座師爲金翁朱相公抑翁
唐宗伯房師爲隣翁顧宮詹名家衣鉢一旦
親承先君百凡舉動悉稟數鉅公之命以故

禋躬接物愈自貶損一時縉紳咸雅重之至
就館閣試必與館中諸年伯揚權古今商議
得失學問經濟具洩之條對間八月迎養先
大父母宮袍翻綵具慶承懽曩先大父一生
研究每欲質之海內名儒至是偕中州江右
單閩浙諸公爲講學會於文成致良知之學闡
發無餘於慈湖不起意之宗亦印證悉合喜
謂先君曰吾蓄此三十餘年今日始暢吾願
足矣明年忽動丘隴之念又以越友天真之

會約不可爽決意南歸先大父歸而先大母亦不安北土先君遂奉命今日故歸吾願差冊封衡藩是歲適遇之亦亦甲寅合喜覃恩得封先大父母如前稱先君且擬冊封事竣便道歸省捧恩綸以報膝下也不意濟水之涯遽聞先大父之訃殞絕數四幾不能生歸而悉按家禮治三年喪奄奄服闋行矣還

朝又念先大母春秋高與伯父牽衣泣曰古人一日之養三公不易吾何忍頃刻離吾垂白之母乎決計陳情用乞終養

聖恩浩蕩得如所請時與伯父娛侍左右更率不孝兄弟輩遶膝盤旋融融然樂也庚戌之臘先大母將屆八袞竟以一疾不起先君哭盡哀喪盡禮一如喪先大父時兩艱相繼居恒飲泣不已因念先人未竟之志曲爲繼述其憫曾叔祖之無後也請之伯父以不孝弟四弟一璐承從叔守訓祀兼於叔祖母余從

蟠曹存養死葬惟力是視僅遺一女爲擇名族而遣之曾大母家葛姑家湯各遺一孤不忍孑然無依也竝收育之委之家政以練其才畢其姻事以延如綫之脉先大母家中表有以第宅鬻他姓者婉轉購贖俾外曾大父香火如故家慈爲通府蒙齋嚴公孫女宅燬于倭外大父母時憂不足則體恤備至併扶植我兩舅氏俾各有成立先君自丙午奉差歸先後宅憂里居者九載振窮助乏惟日不

足而不孝輩年漸長婚嫁相踵故每每朝不謀夕先君處之泰然時以詩酒自適嘗曰貧故吾也吾無失吾故杜門掃軌絕不干謁郡邑及當道而郡邑及當道亦若不知先君之里居也甲寅服闋補原職乙卯陞左春坊左中允兼翰林院編脩直注

起居編纂章奏是秋副典順天鄉試先君校閱旣精防閑尤密取士百有五十競稱得人丙

辰

留考錄 卷之八 行述
廷試先君充彌封官執事惟謹四月陞右春坊
右諭德兼翰林院侍講充

東宮講讀官管理

誥勅撰文先君晉陟

宮端忠藎耿耿每遇講期必越宿齋祓肅衣問
夜進則隨事寓規則剴切婉曲故

東朝有聲音宏亮之嘉間輟講則又具勸學疏

懇請至草

制一事尤仰體

宸衷摭實褒勉每日吾欲爲王臣者共矢精白
以荅

聖明非僅視草故事也宮諭祿入視昔漸厚而
兩尊人養弗逮諱期必爲感泣竟日不齒見
先君少伯父二歲出入追隨常不忍離至是
別來三載想念不置丁巳遣使迎至京邸朝
夕聚首驩然若髫髻時遼左誦餉銓部開求
賢例先君先輸緡而後白伯父隨奉題
准授太常寺典簿擇吉以冠服進伯父固却之

不能矣已未春分校南宮得卷三百餘每卷
翻閱數四拔其尤者二十人亦稱得士將入
闈聞先長兄在南病劇心切慮之撒棘訃至
以積勞而兼慘戚精神頓減亟曷請告奈以
講幄乏人閣中勉留而止四月滿諭德考進階
奉直大夫得贈先大父母如今稱七月奉
差 册封晉藩先是衡藩之後適與外艱會先
君每以
王事未將爲歎今茲捧

節出都門卽日就道自燕抵太原才十餘日而
分桐大典已告成事先君十數年積念頓覺
快然第道路嶮巇雷雹交作一巾車中往返
浹月勞頓備嘗而病已中于膏肓矣旣而便
道放舟水涸舟澁抵家已在臘月之杪亟齋
誥命對揚墓左隨得報陞右春坊右庶子兼翰
林院侍讀因謂不孝兄弟曰吾昔之歸也子
不見父今之歸也父不見子愁病相牽無復
市朝之夢矣茲旣拜

留芳錄
新恩又接

新旨奉差諸臣不得代爲繳

節可若何入春治裝定擬依期報

命豈期擇吉在三月之十二日乃二月下旬忽

患痰厥精神愈減中外賓朋不敢復爲勸駕

先君以一日未死則一日不可欺君力疾解

維行至吳門萬難前往遂以

節授不孝琛趣令赴

闕代繳不孝琛言念及此酸心剜肉之痛尚忍

言哉聞不孝琛北發後先君日以爲念更聞

謂不孝瑜曰吾受

聖主特眷涓涯未報吾疏云病篤將死吾亦不

敢以死欺

君也吾其死矣而與其死于道路也向之戀戀

首丘者謂何由吳返棹八日遄歸兩日大還

若預知其期者死之日猶與伯父談往事甚

悉午膳方畢手談未倦急呼家慈及子姓至

則已正襟端坐而逝矣嗚呼痛哉嗚呼痛哉

先君科名不愧古人文章留于史館

宮端允資啟沃王事克殫劬勞至其忠貞一念鬱勃于中而發抒所未竟者豈琛輩所能言悉迺若生平行誼之槩琛輩習而識之先君天植孝友性稟剛明遇事敏而密于理無少媮惰狀與人交驟見嚴少選坦俞款款然洽也議論侃侃一發充堂至有疑難相叩必曲爲開導通籍十餘年僅守先人敝廬數椽瘠田半頃而宗族親黨則又時加存卹方伯公

後日就凋落先君過崑山損貲葺其生祠

朝議補謚則力以公請又手錄其遺書付之梓周其子姓之貧者而引其俊乂者先君初聘于徐爲學博覲川公女後待學博公必執子婿禮又顧念其諸子焉長安有一武弁以事受誣先君爲湔白之得釋弁以女進先君屏不御待字者數年因念通府啟隅王公爲先大父舊雅擇其季子而妻之卽今邑諸生正以楨也奉

使晉陽道出廣靈有一貧士貸錢先君取之左
右不得謂之曰回日相贈未幾事竣有徼先
君遊五臺者先君恐爽貧士約復從故道回
貧士果候于道左遂貸之錢五百其敦故舊
好施予不侵然諾大率類此自遼左告亟兵
餉兩匱而晉室宗藩窘于祿入之艱秦川百
姓斃于鑛稅之苦先君目擊時事太息者三
慨然欲有建白乃竟齎志以歿嗚呼痛哉先
是四月初旬忽有大星隕邑中占者曰當應

鉅公不祥越十日而先君卒是爲萬曆庚申
歲四月十四日未時距生嘉靖戊午歲十二
月初七日酉時享年六十有三家慈嚴初封
安人加封宐人不孝兄弟五長一琦邑庠生
娶左春坊左庶子源明馮公女繼娶都察院
副都御史姚江蒙泉孫公孫女次卽不孝一
琛邑增生聘衛叅軍新安文麓劉公女娶順
天戊子舉人毘陵崑崙巢公女次一瑜邑庠
生娶刑部江西清吏司主事漢醇馮公女次

一璐聘刑部貴州清吏司員外郎鎮亭趙公
女今出繼次一珙聘光祿寺少卿行素劉公
女女三長適陝西按察司兵備副使曙海張
公子能恭邑廩生次適廣西上石西州知州
邵越袁公子弘諫郡庠生次字工部虞衡清
吏司員外郎山陰樵峯朱公子曾旦邑庠生
孫男二爲一琦出者德隆未聘爲一琛出者
德隅聘揚州府司理鴻柱胡公女女孫三爲
一琦出者二一字太僕寺少卿松槃姜公孫

晉璋一字工部屯用清吏司員外郎石樓錢
公孫玄英爲一瑜出者一幼未字先君所著
詩文傳播雖多家藏計若干卷尚未彙梓不
孝琛敢於荒迷中具述厓畧如左言之不文
曷計焉伏惟

名公鉅筆賜之華袞使先君得以不朽不孝琛
兄弟亦藉以不朽不孝琛可勝激切祈懇之
至

崇祀鄉賢申文

寧波府為公舉名碩鄉賢乞賜崇祀以昭公論
以維風教事據慈谿縣申據本縣儒學廩增附
生員秦嘉兆王望奎姚孟燿等連名呈稱竊惟
生樹典型風俗可稱師覺歿霑俎豆榮光有耀
儒宗瞻念賢祠厥惟重典矧事功並科名不朽
文章與道德俱隆論定於蓋棺望允宐於崇
祀茲有已故奉議大夫右春坊右庶子兼翰林
院侍讀楊守勤生稟靈異學探根源守名臣柳

留芳錄
卷之五
塘之詒謀素砥操乎絕俗領封公慈湖之宗旨
蚤證道於趨庭養性調情日用間肅然禮樂入
孝出弟步趨內儼若聖賢迨首擢 南宮大魁
廷對績學已見推於館閣矢心期不媿乎科
名記注 起居允擅三長之偉望裁成典故雅
稱一代之宗工落筆鑄古今詞賦可追班馬憂
時深痛哭論議不讓歐蘇晉陟宮端開諭導者
纍牘寵膺講席勤啓沃者四年儲德日新 帝
心克簡總綸樞而草制片言重於如椽闢棘院

以掄材多士因之仰斗及奉使 藩封驅馳王
事衝炎就道敢辭鞅掌之勞力疾還 朝甘殉
鞠躬之義天下咸傷其忠節 廷論尤惜其經
綸蓋謀猷懋著蚤已輝映 先朝品格高懸信
可龍光後禩者也至於孝行天植克完孺慕於
終身友愛性生尤切解推於同氣賑貧恤乏鄉
閭各被恩施繼絕存孤宗戚廣延嗣續總以祖
父之志爲其志絕無子孫之謀在所謀力謝干
求四知之畏凜凜心甘清約一椽之蔽蕭蕭更

留芳錄
若秉性率真逢人必吐肝膽視躬必慎臨事倍
凜冰淵對影對衾孰非不愧不怍之地居鄉居
國俱爲可師可法之模况 天子優恤講臣恩
寵已蒙贈廕在黌序追崇賢哲懿懃可後表揚
宣化維風允當借光俎豆廉頑立懦卓立昭示
典型伏叩俯允輿情轉賜詳請庶公道大明風
教攸賴等情呈詞前來據此就經牒行儒學關
行訓導孟胤賢等及帖行通學廩增附生員張
能恭秦俞中俞咨龍等呈結得已故鄉宦翰林

院侍讀琨阜楊公諱守勤者肅穆禔躬孝友秉
性露竒齟齬目窮鄴架諸書發軔棘園名冠葩
經多士迨南宮北闕連擢兩元而虎觀石渠縱
抽彩筆殫孝思以迎養 覃恩之錫類正隆奉
 王命而丁艱途次之抱杵欲絕居廬十載姓
名不到於公庭努力千秋著作獨高於昭代饘
粥方難自給乃賑貧恤乏偏出因心戚屬多見
凋零將繼絕存孤具承先志抱大孝終身之慕
夢已絕於市朝屢 聖明側席之思眷隨隆於

講幄師儒任重龜鑑之得失備陳啓沃功多鰲
禁之勤勞懋著日新儲德絲綸兼代天言兩
秉文衡羅網悉稱譽髦佇聞鈴索適領桐圭暑
雨載途遠道勉從王事枌榆暫返積勞竟隕厥
躬仰邇生平誰是品高月旦詳推素履敢言論
定蓋棺若先生者出處一律忠孝並全誠宜崇
之俎豆以彰盛德者也等情到學據此叅看得
本官理學並文章均邃科名將德業爭高敦至
行於家庭錫類遂覃九族闡鴻猷於國典題

才兼闢四門至啟沃

儲懋在

聖明方崇舊

德矧鞠躬王事於俎豆允協公評等情牒呈到
縣准此復經勘據該耆里隣楊宗順等結覆前
來無異據此隨該本縣知縣李逢申叅看得已
故奉議大夫右春坊右庶子兼翰林院侍讀楊
守勤學本家傳兩榜巍科展翮道爲時重十年
秘閣抽毫竭啟沃於宮寮宣勞寒暑効驅馳於
王事盡瘁風塵立德立言事業竝堪不朽居鄉
居國丰猷總屬可師素有合於公評宜永膺乎

祀典等情到府據此隨該本府覆查去後隨據該縣申稱遵依復經牒行儒學關行訓導何可量等及帖行通學生員查勘去後隨據本學廩增附生員張能恭秦俞中俞咨龍等查結得實到學牒呈到縣准此尤恐不的復經勘據本宦該畝里隣沈恩等結覆相同據此隨該本縣知縣李逢申參看得已故鄉宦翰林院侍讀楊守勤學業匡時兩榜望隆山斗著述範古三朝德媿春宮忠孝夙重於公評俎豆允協於群論理合覆詳等情到府據此隨該本府參看得翰林院侍讀琨阜楊公諱守勤盛世鴻儒清朝碩彥鳳池獨步英雄甘尾後塵虎觀馳聲朝野共尊芳躅備宮僚而弼亮殫志抒忠膺詔使以馳驅鞠躬盡瘁摺笏之時標顯懿蓋棺之後定公評理合明禋事宜崇祀緣干公舉鄉賢事理本府未敢擅便理合呈詳爲此今具前由另具書冊同該縣繳到結狀隨繳呈乞照詳示下施行須至牒呈者

右

牒

呈

欽差提督學校浙江等處提刑按察司僉事洪

天啟元年九月二十三日知府方應明

同知俞孔震

通判梁大材

推官宋禎漢

經歷袁守聘

天啟二年三月十五日蒙

欽差提督學校浙江等處提刑按察司僉事洪

士批班初

蘭契已投寸心

五夜片語欲

故宦琨阜楊公學有本源行立坊表兩榜巍科

獨步十年秘閣抽毫敦至性於家庭愛弘錫類

闡鴻猷於奉國典孝以作忠講幄懋勞欲覃恩

已隆舊德驅馳盡瘁俎豆允協輿情仰府縣製

主卜日送入鄉賢祠崇祀繳

二十日致入職... 劉善於... 國典幸以... 出黜對懋... 覃恩

闡斷燭... 國典幸以... 出黜對懋... 覃恩

澗... 十... 蘇... 閣... 事... 煉... 至... 卦... 令... 家... 與... 山... 陰... 醜

姑... 宜... 駐... 阜... 縣... 公... 學... 亦... 本... 職... 行... 立... 故... 妻... 兩... 辭... 巖... 梓

泚

... 美... 對... 督... 學... 對... 泚... 耳... 著... 數... 對... 陳... 對... 察... 何... 僉... 事... 哉

輓詩

玉笋班初列金蘭契已投寸心堪五夜片語欲

千秋名世才非偶憂時志未酬平生相賞意寂

莫向山丘... 莫向山丘... 莫向山丘... 莫向山丘... 莫向山丘

斲爾辭供奉桐圭下紫宸相逢驚老大欲別苦

逡巡尚有經年約那知隔世人憐才天地事此

恨竟誰陳... 恨竟誰陳... 恨竟誰陳... 恨竟誰陳... 恨竟誰陳

向得荊州信秦川淚渺茫關中韓太素如何百年內

又見一星亾北闕恩猶重西河痛已長先有長公之戚

浮生誰可料敢復問行藏

晉陵年弟吳宗達贈

微言久不作夫子真吾師
嫡派來鄒魯流風掩
惠夷天人傳制策山斗挹芳規
木壤吾安仰應
爲世道悲
常代論才品俱推第一流
卽無魁兩榜亦自足
千秋講幄留丹悃詞林惜白頭
用霖今已矣大
旱使人愁

詞垣十七載尚爾一宮卿
虛託風雲契空垂宇

宙名金華閒日講玉冊罷宵征
舊德履明眷新
恩慰衆情

我本沉淪者逢師乍賞音
傳衣慙上足分袂愴
中心豈謂傷離曲俄成惜
逝吟絕絃應此際遺
恨寄瑤琴

賢聖期同盡逝波苦不留
淒涼三畝宅零落百
年丘中散琴聲斷少陵
月色愁招魂非宋景流
淚到西州

外文章餘十牒并閩中門人施兆昂贈

一代文章伯千秋作者程鳳姿元瑞世駿譽冠
羣英數厄生前業談芬歿後名龍門驚倏壞灑
淚若爲情
人識魁三象名高第五尊金華陳誼正玉鉉論
思存博望槎何往華亭宦不聞所噉吾道否忍
讀太玄文

學濬慈湖派文雄鄰下情久知孚物望真不媿
科名吐鳳輝金馬騎鯨溯玉清斯文噉已矣白
日爲誰冥

間氣鍾奇傑玄風暢大儒有沾知楚玉無字不
隋珠才大時方亟名高忌與俱英靈還造物閱
世一長吁

憶自初持節流光迅八磚星霜千里道日月兩
湖邊指計歸調鼎俄傳逝謫仙一時淪大雅吾
欲問蒼天

東海靈應盡西州恨若何躍金思大冶化劍寂
明河未竟鹽梅事驚聞薤露歌門墻詎私慟泰
嶽失嵯峨

夫子人倫首祥徵五色雲絲綸賦明命龍虎鬚
奇文名飲吟偏壯高談道自尊何當問箕鉞玉
樹與蘭蓀
業擬三楊後疇咨四岳初騎箕人已逝跨竈事
何如前後君恩重榮哀封樹餘象賢能繼述太
史有藏書

古越門人吳之芳贈

華陰世系流芳遠奕葉雲仍存乘牒慈湖一脉
衍宗潢歷歷簪纓萃華閭先生纘大振重光齟

齒知名冠越鄉西闈捷應掄魁手絳帳黃冠叶
夢祥公車數上天儲棟甲第聯元徵士鳳玉殿
金門帝澤新九衢萬域歡雷動文章卓爾邁西
京孝友爭傳張仲名彩毫彤管承恩渥鼎養娛
斑愛日誠京闈拔雋超驪牝玉鏡金衡居上品
宮端載晉挹天香啟沃名高王案傍藩封秉節
王程苦路遶羊腸噬靡監度江返棹見丹衷感
嘆時危憤悒叢天南倏報明星殞端坐巋然却
告終吁嗟喆萎安爲傲龍蛇值歲彌凄愴朝紳

雪涕野停歌仙路遙遙歸渺漭三招何處日遺
形碧水蒼山好勒名生芻雞絮臨風泣班馬悠
悠萬古情

古燕門人康萬國贈

乘槎初散紫宸班柳暗春明去不還黃石已看
隨地下青錢猶自說人間秋來誰問冥鴻遠春
去空教社燕閒一代詞宗嗟倏盡能無涕泗灑
塵寰

陟岵憐余號鮮民今朝酌酒倍傷神堂開白玉
山藏魄業富青緇家食貧虛作詞林廿載客誰
留名世百年身邯鄲一夢尋常事剩有仔肩屬
鳳麟

勛業千秋可易論揮來淚雨滿乾坤車藏東閣
應成廐馬踏西州欲閉門不盡淒涼憐世俗無
端零落向山原生芻一束懸徐劔哭罷看雲白
日昏

華亭年家子王獻吉

憶自臚傳袍笏新雲開五色帝城春聲騰白雪

文章妙席側青宮講論頻憂切烽埃勞國恤病
加行役報君身勲名一局輕揮手申甫應還不
朽神

才名六寓重崑崙鶴駕蓬山度海門賦出凌雲
奎壁爛劒寒豐土斗牛昏星分帝命來三晉
雷送忠魂到九閻季子有懷空自許湖山煙樹
忍相捫

都城倒屣賦無魚金席中蹲識厝輿淚濕松楸
朝露冷燈寒帷幕夜臺虛千秋知己人琴杳一
東生芻感慨餘蘭玉不孤弓冶望中郎無事更
傳書

甫東門人楊大名贈

請恩疏稿

原任右春坊右庶子兼翰林院侍讀楊守
勤男浙江寧波府慈谿縣儒學增廣生
員臣楊一琛謹

奏為講讀勞臣加

恩有例兼陳身殞王事仰懇
特賜優卹以溥

皇仁以光泉壤事臣父守勤叨中萬曆三十二
年會試第一名

疏稿

廷試第一甲第一名

賜進士及第授官翰林院修撰三十四年奉差冊封衡府本年丁父憂三十八年丁母憂四十二年服闋補原職直注

起居編纂章奏四十三年陞左春坊左中允兼翰林院編修

命典順天鄉試四十四年充

廷試彌封官四月陞右春坊右諭德兼翰林院侍講充

東宮講讀官管理

誥勅撰文四十七年二月充會試同考試官七月奉差

冊封晉府河中郡王尋陞右春坊右庶子兼翰林院侍讀四十八年復

命在邇中途病劇強披冠服北面叩首方遣義男代繳

龍節竟於四月十四日身故痛臣父菰蘆寒賤荷蒙

先皇祖臨軒首擢知遇特隆凡此翰苑之勤勞
講幃之啓沃皇華之劬瘁皆未報踵頂於
生前豈敢乞光榮於死後伏於泰昌元年
八月內欽奉

先帝聖諭垂問講幄舊臣宜加恩卹比蒙內閣
題覆等因隨奉

先帝聖旨覽卿等所奏侍班講讀侍書各官俱
効有勤勞見任在籍的加恩優擢起用其故
者優卹錄廕以示朕念講幄舊臣之意着該

部作速議覆具奏欽此蒙吏部將各官姓名
恭進

御覽臣父名在題叙之列嗣而
皇上龍飛登極將

先帝未竟之旨悉見施行吏部具覆前疏奉
聖旨是加恩侍從各官已奉

先帝明旨着照例各廕一子入監讀書應起用
加官存問的候查明酌量奏請其効勞年深
已沒的量與祭壇或再加贈官以示優異先

後閣臣俱一體叙錄欽此臣痛伏苦塊感激涕零竊念臣父歷任十七年兢兢履冰惟懼以忠蓋恐以溫飽愧科名凜凜履冰惟懼以忠蓋報

君父自四十四年八月進講距四十八年四月身故期歷四年心竦一日舉几焚香待漏攝齋披忠證古引今曲暢經旨曾不專專句讀爲事以故

先帝嘗有聲音宏亮之褒奈因

冊封入晉冒暑馳驅歷關隘之險阻受雨露之顛危勞苦旣深形神頓索重以遵期復

命車馬兼程病篤中途身歿一旦較之講幄諸臣逸死

闕下者其情可憫不啻什伯計已迄今棺停淺土封斧無資留臣衰母朝夕不給且臣長兄生員楊一琦無祿蚤夭止遺長孫楊德隆已經撫按查訪應廕的確第年方幼穉未便匍匐陳情臣仔肩家政蓼苦備嘗

輒敢不避斧鉞灑血於

皇上之前幸遇

皇上浩蕩深仁各講讀官具有恩例千載一時
賁增存歿伏讀

大明會典一款講讀官五品祭葬及其身四品
祭葬及其父母或有講讀年久啓沃功多
卹典自宜從厚又一款

東宮講讀舊臣子孫乞恩叙蔭者備查祖父
年勞已及三年送中書舍人習字出身又

一款文職官一品至五品照依生前散官
果有功績合加封者例與加贈又一款凡
在京在外文武官不拘品級以死勤事者
卹典取自

上裁又一款文武官

賜諡如官品未高而侍從有功或以死勤事者
不拘常例備查實跡以行業俱優爲上開
送翰林院擬

請臣父品級資格已與祭葬贈蔭諡例種種相

合况臣父以死勤事望

恩更出諸臣而

皇上以仁廣孝加

恩正在格外臣伏查得先臣徐善述以贊善贈太子少保謚文肅楊傑以洗馬廕子中書舍人卽近日馮有經以庶子贈禮部侍郎全給祭葬舊典昭於史冊

新恩炳若日星頂戴彌高冀望彌切伏乞

勅下該部查照典例一一垂給尤乞

特賜優卹以隆異數則臣父九原有知將感哉皇上高厚之德于不朽而臣率姪臣德隆其圖報犬馬益無有寧日矣臣無任激切惶悚之至爲此具本親齋謹具本奏

聞

天啓二年二月十一日具奏本月十七日奉

聖旨該部知道

吏部覆本稿

太子太保吏部尚書臣張問達等謹
題爲講讀勞臣加

恩有例兼陳身殞王事仰懇
特賜優卹以溥

皇仁以光泉壤事驗封清吏司案呈奉本部送
吏科抄出原任右春坊右庶子兼翰林院
侍讀已故楊守勤男浙江寧波府慈谿縣
儒學增廣生員楊一琛奏稱臣父守勤係

萬曆三十二年進士授翰林院修撰三十四年奉差

冊封 衡府本年丁父憂三十八年丁母憂四十二年服闋補原職直注

起居編纂章奏四十三年陞左春坊左中允兼翰林院編修

命典順天鄉試四十四年克
廷試彌封官四月陞右春坊右諭德兼翰林院侍講克

東宮講讀官管理

誥勅撰文四十七年二月克會試同考試官七月奉差

冊封 晉府河中郡王尋陞右春坊右庶子兼翰林院侍讀四十八年復

命在邇中途病劇強披冠服北面叩首方遣義男代繳

龍節竟於四月十四日身故痛臣父菰蘆寒賤荷蒙

先皇祖臨軒首擢知遇特隆凡此翰苑之勤勞
講幃之啓沃皇華之劬瘁皆未報踵頂於
生前豈敢乞光榮於死後伏於泰昌元年
八月內欽奉

先帝聖諭垂問講幄舊臣宜加恩卹比蒙內閣
題覆等因隨奉

先帝聖旨覽卿等所奏侍班講讀侍書各官俱
効有勤勞見任在籍的加恩優擢起用其故
者優卹錄廕以示朕念講幄舊臣之意着該

部作速議覆具奏欽此蒙吏部將各官姓名
恭進

御覽臣父名在題叙之列嗣而
皇上龍飛登極將

先帝未竟之旨悉見施行吏部具覆前疏奉
聖旨是加恩侍從各官已奉

先帝明旨着照例各廕一子入監讀書應起用
加官存問的候查明酌量奏請其効勞年深
已沒的量與祭壇或再加贈官以示優異先

後閣臣俱一體叙錄欽此臣痛伏苦塊感激涕零竊念臣父歷任十七年兢兢履冰惟懼以忠盡報

君父自四十四年八月進講距四十八年四月身故期歷四年心竦一日舉凡焚香待漏攝齋披忠證古引今曲暢經旨曾不專專句讀爲事以故

先帝嘗有聲音宏亮之褒奈因

冊封入晉冒暑馳驅歷關隘之險阻受雨露之顛危勞苦旣深形神頓索重以遵期復

命車馬兼程病篤中途身歿一旦較之講幄諸

臣逸死

闕下者其情可憫不啻什伯計已迄今棺停淺土封斧無資留臣衰母朝夕不給且臣長兄生員楊一琦無祿蚤夭止遺長孫楊德隆已經撫按查訪應廕的確第年方幼穉未便匍匐陳情臣仔肩家政蓼苦備嘗

輒敢不避斧鉞灑血於

皇上之前幸遇

皇上浩蕩深仁各講讀官具有恩例千載一時

賁增存歿伏讀

大明會典一款講讀官五品祭葬及其身四品

祭葬及其父母或有講讀年久啓沃功多

卹典自宜從厚又一款

東宮講讀舊臣子孫乞恩叙蔭者備查祖父

年勞已及三年送中書舍人習字出身又

一款文職官一品至五品照依生前散官

果有功績合加封者例與加贈又一款凡

在京在外文武官不拘品級以死勤事者

卹典取自

上裁又一款文武官

賜諡如官品未高而侍從有功或以死勤事者

不拘常例備查實跡以行業俱優為上開

送翰林院擬

請臣父品級資格已與祭葬贈蔭諡例種種相

疏稿

合况臣父以死勤事望

恩更出諸臣而

皇上以仁廣孝加

恩正在格外臣伏查得先臣徐善述以贊善贈

太子少保謚文肅楊傑以洗馬廕子中書

舍人卽近日馮有經以庶子贈禮部侍郎

全給祭葬舊典昭於史冊

新恩炳若日星頂戴彌高冀望彌切伏乞

勅下該部查照典例一一垂給尤乞

特賜優卹以隆異數等因奉

聖旨該部知道欽此欽遵抄出到部送司查得

泰昌元年十月內該本部遵

旨查開

東宮講讀等官分別叙錄等因節奉

聖旨是加恩侍從各官已奉

先帝明旨着照例各廕一子入監讀書其効勞

年深已歿的量與祭壇或再加贈官以示優

異欽此又查得天啓元年六月內該禮部咨

開原任右春坊右庶子兼翰林院侍讀袁宗道男袁祈年奏稱伊父講讀勞深乞要比例請給贈廕等因該部覆題奉

聖旨袁宗道准贈詹事府少詹廕一子入監讀書欽此欽遵今該前因通查案呈到部看得原任右春坊右庶子兼翰林院侍讀已故楊守勤男生員楊一琛奏稱伊父生前東宮講讀効有年勞乞要比例請給贈廕一節奉有前項

明旨又查與袁宗道事例相同相應題請但恩典出自

朝廷臣等未敢擅便伏候

聖裁緣係比例陳情再懇

天恩憫念講讀勞臣

俯賜贈廕以溥

皇仁以光泉壤及奉

聖旨該部知道事理謹題請

旨

札稿

天啓二年三月初九日題覆十二日奉
聖旨楊守勤講讀勤勞准贈詹事府少詹廕一
子入監讀書

太子太保吏部尚書臣張問達等謹

題爲承廕事驗封清吏司案呈准工部營繕

清吏司員外郎徐宗孺結稱同鄉原任右

春坊右庶子兼翰林院侍讀楊守勤今奉

旨准贈詹事府少詹事廕一子入監讀書楊德

隆委係守勤嫡長孫誼切桑梓親識最真

並無別房攙越理應承廕等因具結到司

案查本年二月內該原任右春坊右庶子

兼翰林院侍讀已故楊守勤男生員楊一

珠奏稱伊父生前曾充

光宗皇帝東宮講讀官效有年勞乞要比例請給贈廕內稱伊兄生員楊一琦蚤逝所遺長孫楊德隆已經撫按查訪應廕的確等因該本部覆題奉

聖旨楊守勤准贈詹事府少詹事廕一子入監讀書欽此欽遵今該前因通查案呈到部看得原任右春坊右庶子兼翰林院侍讀楊守勤嫡長孫楊德隆前來承廕一節既

經奉有前項

明旨又經同鄉工部營繕清吏司員外郎徐宗孺保結坐名到部相應據結題

請合候

命下將楊德隆准承恩廕咨送禮部轉送國子監讀書但

恩典出自朝廷臣等未敢擅便伏候

聖裁緣係承廕事理謹題請

旨

天啓二年三月二十九日具題四月初三日奉

聖旨是楊德隆准送監讀書

禮部覆本稿

禮部署部事左侍郎兼翰林院侍讀學士

臣周道登等謹

題爲講讀勞臣加

恩有例兼陳身殞王事仰懇

特賜優卹以溥

皇仁以光泉壤事祠祭清吏司案呈奉本部送
禮科抄出原任右春坊右庶子兼翰林院
侍讀楊守勤男浙江寧波府慈谿縣儒學

增廣生員楊一琛奏伊父於萬曆三十二年進士授翰林院修撰三十四年奉差

冊封 衡府本年丁父憂三十八年丁母憂四

十二年服闋補原職直注

起居編纂章奏四十三年陞左春坊左中允兼

翰林院編修

命典順天鄉試四十四年充

廷試彌封官四月陞右春坊右諭德兼翰林院

侍讀充

東宮講讀官管理

誥勅撰文四十七年二月充會試同考試官七

月奉差

冊封 晉府河中郡王等陞右春坊右庶子兼

翰林院侍讀四十八年復

命在邇中途病劇強披冠服北面叩首方遣義

男代繳

龍節竟於四月十四日身故痛臣父菰蘆寒賤

荷蒙

疏高

先皇祖臨軒首擢知遇特隆凡此翰苑之勤勞
講幃之啓沃皇華之劬瘁皆未報踵頂於
生前豈敢乞光榮於死後伏於泰昌元年
八月內欽奉

先帝聖諭垂問講幄舊臣宜加恩卹比蒙內閣
題覆等因隨奉

先帝聖旨覽卿等所奏侍班講讀侍書各官俱
効有勤勞見任在籍的加恩優擢起用其故
者優卹錄廕以示朕念講幄舊臣之意着該

部作速議覆具奏欽此蒙吏部將各官姓名
恭進

御覽臣父名在題叙之列嗣而
皇上龍飛登極將

先帝未竟之旨悉見施行吏部具覆前疏奉
聖旨是加恩侍從各官已奉

先帝明旨着照例各廕一子入監讀書應起用
加官存問的候查明酌量奏請其効勞年深
已沒的量與祭壇或再加贈官以示優異先

後閣臣俱一體叙錄欽此臣痛伏苦塊感激涕零竊念臣父歷任十七年兢兢履冰惟慮以忠盡恐以溫飽愧科名凜凜履冰惟慮以忠盡報

君父自四十四年八月進講距四十八年四月身故期歷四年心竦一日舉几焚香待漏攝齋披忠證古引今曲暢經旨曾不專專句讀爲事以故

先帝嘗有聲音宏亮之褒奈因

冊封入晉冒暑馳驅歷關隘之險阻受雨露之顛危勞苦旣深形神頓索重以遵期復

命車馬兼程病篤中途身殞一旦較之講幄諸臣逸死

闕下者其情可憫不啻什伯計已迄今棺停淺土封斧無資留臣哀母朝夕不給且臣長兄生員楊一琦無祿蚤夭止遺長孫楊德隆已經撫按查訪應廕的確第年方幼穉未便匍匐陳情臣仔肩家政蓼苦備嘗

輒敢不避斧鉞灑血於

皇上之前幸遇

皇上浩蕩深仁各講讀官具有恩例千載一時
賁增存歿伏讀

大明會典一款講讀官五品祭葬及其身四品
祭葬及其父母或有講讀年久啓沃功多
卹典自宜從厚又一款

東宮講讀舊臣子孫乞恩叙廕者備查祖父
年勞已及三年送中書舍人習字出身又

一款文職官一品至五品照依生前散官
果有功績合加封者例與加贈又一款凡
在京在外交文武官不拘品級以死勤事者
卹典取自

上裁又一款文武官

賜諡如官品未高而侍從有功或以死勤事者
不拘常例備查實跡以行業俱優爲上開
送翰林院擬

請臣父品級資格已與祭葬贈廕諡例種種相

合况臣父以死勤事望

恩更出諸臣而

皇上以仁廣孝加

恩正在格外臣伏查得先臣徐善述以贊善贈太子少保諡文肅楊傑以洗馬廕子中書舍人卽近日馮有經以庶子贈禮部侍郎全給祭葬舊典昭於史冊

新恩炳若日星頂戴彌高冀望彌切伏乞

勅下該部查照典例一一垂給尤乞

特賜優卹以隆異數則琛父九原有知將感哉皇上高厚之德于不朽而臣率姪德隆其圖報犬馬益無有寧日矣等因奉

聖旨該部知道欽此欽遵抄出到部送司行准翰林院手本查開原任右春坊右庶子兼翰林院侍讀楊守勤於萬曆四十四年八月初一日題充

光宗皇帝東宮講讀官至四十七年七月奉差冊封晉府四十八年四月病故等因回覆到

司查得

大明會典并

卹典事例內一款

特恩所加祭葬大約於本等品級內量加一等如無祭者給與祭一壇無葬者給與半葬應得半葬者給與全葬如講讀官則五品本身有祭或有講讀年久啓沃功多

卹典自宜從厚今該前因通查案呈到部看得原任右春坊右庶子兼翰林院侍讀今故

楊守勤男生員楊一琛奏乞伊父

卹典一節除易名大典候諮訪類題外爲照本官器局商周彝鼎才華左馬文章臚唱應卿雲博雅頻綜墳典講筵依

帝日撰述堪代絲綸矢精白之小心先期齋宿攄弼諧之實念因事納忠棘院掄才不愧狄門桃李黃扉待

命還期傅鼎鹽梅肩暑載途旋困膏盲之疾勞身盡瘁宜蒙帷蓋之恩相應與祭一壇恭

候

命下臣部遵奉施行緣係講讀勞臣加

恩有例兼陳身殞王事仰懇

特賜優卹以溥

皇仁以光泉壤及奉

旨

天啓二年三月廿一日具題廿五日奉

聖旨是准與祭一壇

原任右春坊右庶子兼翰林院侍讀今贈

詹事府少詹事楊守勤男浙江寧波府

慈谿縣儒學增廣生員臣楊一琛謹

奏爲講幄同官

賜葬有例乞

恩一體隆施以榮枯骨事臣惟

先帝績緒之政莫急於優錄講臣

皇上廣存之仁莫重於均敷

卹典故列官同品進講同勞陳請同情則

聖恩亦同沛孰殫鞠躬之瘁未蒙枯骨之榮有
如臣父守勤不得同霑

賜葬之典則九泉之下目難瞑已臣伏讀

先帝屢旨講讀官效有勤勞已故者優卹錄廕
再奉

皇上明旨講讀官效勞年深者俱一體優錄等
恩臣念臣父自萬曆四十四年八月叨充
先帝講讀官距四十八年四月身殞王事期歷
四年官終庶子頃蒙

皇上贈廕賜祭臣叩首感激報效無從何敢再
有瑣

瀆第就庶子之官倣庶子之例則同官庶子者
止馮有經袁宗道與臣父三人今有經已
全給祭葬仍加祭一壇袁宗道亦全給祭
奠此正合

會典特恩所加祭葬大約於本等品級內量加
一等之例也乃

賜葬特恩獨於臣父未蒙並給且止准本身之

祭未蒙量加似於一體優錄之中微分彼此矣臣再讀

會典并 卹典條例內一款講讀官必親奉出

閣開陳有勞方與具題又一款五品官得

特恩賜葬者亦以本等品爲定臣父屢奉

先帝出閣非未經實效勤力之比若以進講之

期謂可數計此係

皇祖靜攝以來并

東朝亦命簡出之故臣父未嘗於三年之內敢

離講幃一日也且查得袁宗道進講之期

亦不滿十次宗道全給祭塋總係

皇上特恩則恩可加於宗道者即可加於臣父

矧臣父進講時尤非輔導蒙養者可同日

語臣父凜凜孤忠時塵納誨蒙

先帝眷注特重時有聲音宏亮之褒更值較講

之日連章勸學愷切詳明此皆出於臣父

之筆也史冊昭昭寧容滅沒臣又據

會典所載或有講讀年久啓沃功多者

卹典自宜從厚則臣父四年講讀非不爲久殫
心啓沃非不爲功無葬而給葬有祭而加
祭者

卹典之特恩自在今以當年之故事合以此日
之

新恩亞卿之贈臣父不敢望同有經半葬之給
臣父何甘遜於宗道臣少讀父書幸遊高
厚細思有例而不爲之請是爲不孝然有
請而不合於例又爲罔

上故敢殫述始末泣灑千言總之就庶子之官
倣庶子之例而已伏乞

皇上終始開恩一體優卹准照同官馮有經哀
宗道例給與應得之葬仍照

會典

准加祭壇則

皇上如天之德率土均霑不特以之廣孝且因
以之勸忠矣臣世世子孫啣結銘鐫寧有
紀極哉臣可勝焚頂祈懇之至爲此具本

與和

親齋謹具奏

聞

天啓二年四月十三日具奏二十三日奉
聖旨着查照日講官例編釋該部知道



加亡者

其不

Faint bleed-through text from the reverse side of the page, including characters like '故名曰', '其不', and '其其他即詩'.

金